

آبونه شرائطی

داخلی، خارجی، مریرایمچون
سنه لکی (۲۵۰)، آلق آیلنی
(۱۳۰) فروشند.

نسخه سی ۵ فروش،
سنه لکی ۵۲ نسخه دو

اداره خانه

باب عالمی ساد مسنده دائره مخصوصه

اخطارات

آبونه بدل پدیدر

مسئله موافق آثار مع الممنونه
قبول اولنور، درج ابدلین
بازیر اعاده اولونماز

والله یهدی من یشاء الی صراط مستقیم محمد عاکف

اشرف ادیب

اتبعون اهدکم سبیل الرشاد



۱۳۳۸

دینی، فلسفی، علمی، ادبی، سیاسی، متعلق بمجموعه اسلامیة در
مناصب و مدیر مشغول

اخطارات

ادرس تبدیلنده آبریمه بهی
فروش کوندولمیدر

مکتوبلرک امضالری واضح
واوقوناقلی اولسی و آبونه صبره
نومر و سنی محتوی بولنسی
لازمدر

ممالک اجنیه ایچون آبونه اولانلرک
آدرس لری سلاک فرانسزجه ده یازلسی
رجا اولنور

یاره کوندولدیکی زمان نهیه دائر
اولدینی واضحا بیلدیرلسی
رجا اولنور

موعظہ

استاد محترم محمد عاکف بك افنديك « قره سی » ده زاغوس پاشا جامع
شریفندہ ابراد بویوردقاری موعظہك خلاصہ سی

اعوذ بالله من الشيطان الرجيم . بسم الله الرحمن الرحيم . « ان الله
وملائكته يصلون على النبي يا ايها الذين آمنوا صلوا عليه وسلموا تسليما »
اللهم صل وسلم وبارك على خاتم الانبياء والمرسلين .

ای مسلمان !

جهان آلت اوست اولورکن سیره باقدك ، اویله طوردكده ،
بوکون بر سر سرسین ، در بدر سین کندی یوردکده !
حیات آلتہ حقك ... لکن ، ایتدیر هایقروب احتقاق ؟
صاغیردر قبلر ، بر سس دویار : دعوای استحقاق .
بومیلار لرحه دعوادن که ایکلر داغلر ، آنکیلر ؟
اوطوردمش آغلایان آواره بر معصومی کیم دیکلر ؟
امککلر کن صبی طوریلله طوبراقلرده سن حالا ؟
بشر طوغرولمش ایتمش ، برده باقدك جوی استیلا :
یانار طاغلر اوچوردمش کزدیر یاپیننده دنیانك ؟
جهنملر باطیردمش یوزدیرر قلینده دریانك ؟
ده شر آفاق ، بر شیر سزه اسرار قدرتدن ؟
أشر احماق ، ایزلر کشف ایدر ادوار خلقتدن .
زمین محکومی اولمشدر . زمان محکومی اولمقده ؟
او ، هیهات ، ایستیور حاکم کیلیمك بعد مطلقده !
طیعت بیک چلیك بازویه صاحبکن ، جیلز بر قول
نه قاهر سلطنت سورمکدهدر ، باق باقده حیران اول !
خایر ، بر قول دکل ، بیکلرجه ، میلیونلرجه قوللردر ،
یک آهنگ اولمش ایشلر ، چونکه برلشمکده مضطردر :
بوکون فردی مساعینك بوتون محصولی بر خسران ،
برر یهوده باشدر داملایان افرادك آلتندن !
جهان آرتیق دیکشمش ، انفرادك یوقدر امکائی ،
کوچوب معموره لردن بویلاسهك ، حق ، بیابانی .
باشماز بویله تک تک ، دور حاضر : دور جمعیت .
کبرمك ایسته مزسهك ، یوقسه اضمحلال اینچون نیت ،
شو وحدت تارمار اولسون دیوب صالدرمه اسلامه ؟
اوزاقلاشهكده ایماندن ، جماعتدن اوزاقلاشه .
ایشیت ، بر حکمی قطعی وارکه استینافه یوق میدان :
« جماعتدن اوزاقلاشمق اوزاقلاشمقدر الهمدن . »
نور ایمان قدر یوکسته رك آلقاق بر الحادی ،
بریشان ایلک ذاتا بریشان اولمش آحادی ؟

ناصیل یکپاره ملتلر وار اطرافکده بر سیرایت ،
ناصیل توحید آهنگ ایلورلر ، باقده آل عبرت .
کبرمك ایستیورسهك باشقه .. لکن ، قورقارم ، یاندک .
یاسن محکوم ایکن صاغلق ، اولوم حقکمیدر صاندک ؟
زمامك هانکی اللرده یسه آرتیق اولنر کسك سن ؟
بهیمی بر تحمل وارلنگدن آک بویوک حصهك !
أزبلك ، ایکهله مک ، یاتمق ، سورونمک وارکه عادتدر ؟
اولوم دنیاده محکومینه اک صوگ برسمادتدر .
دیهسهك بیک کره « انسام ! » او ، قانماز ، هم نیچون قانسین ؟
یاسن حریتك ، حقك مصون اولدقجه انسانسین .
بو حریت ، بو حق بزون بوکون آهنگ سهی ایستر ؟
دکل اوچ درت آلتدن ، هپ آلتلردن بوشانسین تر .

اوت ، بزمسلمانلر جهان چالیشیرکن ، دیدینیرکن ، اوغراشیرکن ،
نامتناهی ترقیات ، نامتناهی انقلابلر کچیرکن اوزاقدن سیرجی صفیلله
باقدق . بالخاصه شو صوگ سنلرده باشمزه بر چوق فلاکتلر یاغدی .
الآن چله مزنی طولدورمادق . سبی ؟ هپ سیرجی قانماز ، اموردینه
اولدینی کی امور دنیایه قارشیده بیکانه طورمامزدر .
حیات ، هر کسك حقیدر . اوت ، بوتون مخلوقات الهیه حق
حیاته مالکدر . او حالده الهک دیکر مخلوقلری آره سنده بزده
یاشامقده حقلی یز . لکن بیلیرسککز که حقلی اولمق باشقه ، حقلی چیقمق
ینه باشقهدر . هر هانکی حق اولورسه اولسون احقاق اولونمادقجه
صاحبه هیچ بر منفعت تأمین ایتز . بوکون هانکی ملنك محکمه
عدالته قوشسه کزالکزدده قوتکوز وارسه دردیگزری دویوره بیلیرسککز .
یوق ، بویله یاپمازده آغلارسه کز ؛ اونک حسن انسانیتنه ، حسن مدنیتنه
التجایه قالفیشیرسه کز خسراندن باشقه بر نتیجه آله ایده مزسککز .
استحقاق دعواسنی یوکسته بیلیرمیسک ، هر هانکی محکمه یه کیتسهك
حقایسك . یوقسه میلیونلرجه ، میلیونلرجه مخلوق :

— یاشامق حقیدر ، بو حق بندن کیمسه آلاماز ...

دیه هایقروب طورورکن سنك ، بنم کی بر مسکین برکوشده
آغلامش ، ایکهله مش ، مرحت دیلتمش ... هیچ تأثیری اولماز ، حق
طوبولماز . چو حق یورومزدن اول بیلیرسککز که امککلر . بزمسلمانلرده
طبقی هنوز طوغروله میان ، یورویه مین صیلر کی یرلرده امککلر
طورورکن برده کوزیمزی آجندق ، کوردک که اطرافزده کی ملتلر
کوکلرده اوچورلر . کلوب جولده کی معصوملرک تپهنه آتیشلر
یاغدریسورلر . بژ باندیرمندن استانبوله قدر آدام عقللی واپور
ایشله نه مزکن حریرلر بحر محیطی آلتندن کچورلر . نوپورقدن طالیور ،
هامبورهدن چیقورلر که آرده کی مسافه بزم واپورلرک آباغله بر
آملق یولدر . برلندن اوچورلر ، طربزونه قونیورلر . بزیسه حالا
بر یوزنده یورومیهی تأمین ایدمه مدك : طبیعت بیک چلیك بازویه

صاحبکن انسانک بر جیلز قوی ناصیل کاشانه حاکم اولیور؟ ناصیل بو قدر قوای طبیعی حکمی آلتنه آلیور؟ خایر، یا کلشک وار. بو قدر ایشلری کوردهن بر قول دکل، بیکلرجه، میلیونلرجه قولدر. بونلرک هبسی بر آره به کلش، تشریک مساعی ایتمشلر، کیجهلی کوندوزلی چالیشورلر، اوغراشیورلر. چونکه آ کلامشلرکه برله شمه. سهر کندیله ری هر طرفدن قوشاتان تهلهکه لر قارشی طورده مایه جقلر. دیمک برلشمکده ضرورت وار. بواضطرار اولماسه یدی، برلشمه لی ده ممکن اولماز دی.

ایشته بز شیمیدی دردمنک باشنی بولدق. باشقه لری ضرورتی کورونجه برلشمشله بز ایسه او ضرورتی کورمیدیکنز ایچون بو برلکی وجوده کتیره مه مشر، یاخود کوردیکیکنز حلاله تأمین وحدت جهته یاناشما مشر. بو کون حیاتک، معیشتک، احتیاجاتک آلدینی طرز اعتباریه بر انسان تک باشنه برایش کورده میور. بوتون ایشلر شرکتلر، جمعیتلر، ملتلر طرفندن میدانه کتیریلور. نه فابریقه لر، نه دمیر یوللری، نه واپورلر، نه لیمانلر، نه خسته خانه لر، نه جامه لر، نه مکتبلر، نه تجارتلر، نه ده دین و وطنی مدافعه ایده جک طویلر، توفکلر، جبخانه لر... الحاصل هیچ برشی فردی سمی ایله، یعنی تک باشنه چالیشمقله قابل اوله میور. بوکون حیات اولیه بر شکل آلمش که تک باشنه چالیشان بر آدمک آلتندن داملایان تزلر طبق کوز باشی کی دوکولوب کیدیور، هیچ بر فائده تأمین ایتیمور. نه زمان بر یره کلش بیکلرجه آلین بردن تزلرسه ایشته اووقت بو سمیک یر یوزنده بر اثری، بر ایزی کوروله بیلیر.

مادام که تک باشنه صرف اولونان مساعینک قیمتی یوقدر، بزده آره مزده وحدتی تأمین ایدرک طویلاوجه چالیشمه یه قویومالی بز. جماعتسز یاشامیه، جماعتدن آیریلیه به کلز، جماعت اسلامیه تک کثافت پیدا ایتمی ایچون چالیشملی بز. اوفق سبیلله بر برینه کوسمه ملی. بیلورسکنز که یابانچیلر عصر لردنبری تفرقه تخمیلری آره مزده سرپیدیلر. بر خیلی ده محصول آلدیلر. بز کوزمنی آچسه یدق بوکون آلتنده ایکیم ایکیم ایکنه دیکمز شو فلاکتلری آلتیه کورمه به جکدک. هر نه ایسه کچمشه أسفک فائده سی یوقدر. ماضیدن یالکمز عبرت آلینیر. اگر مسلمانلر یاشامق ایسته یورلرسه جماعت آره سنده نفاقه، شقاقه، دارغینلغه، کوسکونلکه، آیریلغه، غیریلغه میدان آچه ییلجک الک اوافق سوزلردن، الک اهمیتسز کورون حرکتلردن بیله چکنمیلیدرلر. یوق، یاشامق ایسته مزلرسه اوکا دییه جک یوق. آنجق بو حال ایله انسان کی یاشامق الله اولمادی کی یاشاماق ده آله دکلدر. چونکه بز معاذالله حق حیامتزی غائب ایتدیکمز کون محکومیت فلاکتیه دوشر که بز ی تحکملری آلتنه آلانلرک نظرند بهائندن فرقر قالماز. حیوان کی بزی کندی حسابلرینه ایشله تیرلر، صیرتمزدن منفعتلری تأمین ایدرلر. دنیانک یدی اقلیم درت کوشه سندن سورو سورو،

اردو اردو کتیریلش رنک رنک محکوم ملتک نه حلاله بولونقلری کوزمنله کوردک. معاذالله صوکره بزده اونلر کی اولورز. بز صیفیرلرمنی، بیکیرلرمنی ناصیل قوللانیورساق اونلرده بز ی اولیه جه قوللانیلر.

عجبا بز مسلمانلر ایچون بو حاله دوشدک؟ بونک علتی بن شویله کوریورم: طوغدیغمز کوندن اعتباراً بابالرمز، آتالریمز، خواجه لریمز، سیاسیلرمز، ادیبیلرمز، شاعرلرمز، محررلرمز بزده استقبال ایچون امید و یره جک برشی سویله مدیلر. بن چوجوقلغمدن بری: — بز یاشامایز. اوروپالیرلر ترقی ایلش. سز جوق فنا کونلر کورده جکسکنز...

نقراتندن باشقه برشی ایشیتمدم. — چوجوقلر، سز کیجهلی کوندوزلی چالیشکنز که بو مملکت قورتولسون...

دییه بزلی سیه، مجاهده یه سوق ایده جکلری یرده راست کلن آدام روحلرمزه، قلبلرمزه یأس مایه سی آشیلادی. ضربک ترقیاتندن بحث ایدرلرکن دییه جکلر دی که:

— اولادلر، کوریورسکنز یا، اوروپالیرله بزم آره مزده جوق مسافه وار. بومسافه یی تلاقی ایده جک صورتده چالیشکنز. یوقه ده اکریده قالیر، محوادلورسکنز. صاقین عز مکزه فتور کتیره بیکز... اوت، بویه دییه جکلر دی. لکن دییه دیلر. بالعکس یوز بیکلرجه خلق بودولتک یانه جغه قائل ایدی. بر طرفدن اوروپالیرلر ترقیات کوزلرمنی قاماشدیردی. دیگر طرفدن محبطنرک بو کی معکوس تلقینلری سیکیرلرمنی او یوشدیردی. اونک ایچون ایلری کیده مدک. حالا او یأس روحلرمزه حکمراندر. هیچ بز کتاب اللهی دوشونمک. او کتاب الله که بر جوق آیات جلیله سیله امت اسلامیه یی یأسدن، عز مسر لکدن تحذیر ایدیور.

استعذ بالله (یا ای اذهبوا فتحسبوا من یوسف واخیه ولایاسوا من روح الله انه لایأس من روح الله الا القوم الکافرون). اوغلارم، کیدیکنز، یوسفله فاده شنی آراشدیریکمز، صاقین اللهک عنایتندن امیدیکیزی کسمه بیکمز. زبیرا شونی آی بیلکمز که کافرلردن باشقه سی اللهک عنایتندن امیدنی کسه مز. دیمک که بر مسلمان ایچون اللهک عنایتندن، مرحتندن امید کسمک کفرور.

صوکره سوره حجرده (قال ومن یقنط من رحمة ربه الا الضالون) بویورولیور. بو آیت کریمه حضرت ابراهیمک لیانندن وارد اولمشدر. منکلر: «الله سکا حلیم سلیم، خیرلی براوغول احسان ایده جکدر». دیدیلر. اوده «بن آریق طقسان یاشنه کدم. بوندن صوکره چوجیم اولورمی؟» دیجه «بزم سکا ویردیکمز مزده حقدر، طوغرودر. صاقین بوسعادتک حصول بولاجنندن امیدکی کسمه. اللهک عنایتندن یأسه دوشمه» دیدیلر. بونک اوزرینه حضرت ابراهیم:

و حاشا، جناب حق عنایتدن، کرمندن آنجق ضلاله دوشنلر امیدنی کسه بیلیر، یاسه دوشه بیلیر، بویوردیلر.

أرباب ایمان ایچون یاسه دوشمک امکائی یوقدر، الحاصل نظر اسلامده اللهدن امیدنی کسمک حرامدر، حرامده دکل، کفردر، شرکدر. آنجق مولانک مرحمتنه بل باغلایه رق امر ایتدیکی طریق طوتماق طبعی جائز اولماز. اللہک عنایتنی تمنی ایچون البته او عنایت ولو جزئی اولسون استحقاق لازم. فیاضده بخل یوقدر، شوقدر وارکه اوفیضه استعداد شرطدر.

کتاب الہدہ (والدین جاهدوا فینا لنہدینہم سبلنا وان اللہ لمع المحسنین) بویوردیلور. اوت بوایت کریمه صراحۃ کوستریورکه اللہ یولنده، حق یولنده مجاہدہ ایدنلر ایچون توفیق، ہدایت موعوددر، محققدر. اوحالده دہا نہ ایتیورز؟ نہ ایچون بوفیضہ، بو عنایتہ قابلیت کوسترہ بیلیمک ایچون چالیشیایورز؟

بودنیاده هیچ برشیئہ کووہ نیلمز. نہ ثروتہ، نہ محنتہ، نہ عقلہ، نہ علمہ، نہ اخلاقہ، الحاصل هیچ برشیئہ دایانیلماز. باقارسکز: میلیونلرجه ثروت محو اولور، اک متین مختلر برآن ایچندہ دوریلیر؛ اک تمیز خویلر دیکشیر، کیرلہنیر. خلاصہ مادی، معنوی، روحانی، جسمانی، نہ وارسه هیچ بری ایچون بقا تصورایدیلہ من. قوی الشکیمہ حکومتلر چوکر. دنیاہ میدان اوقولان سلطنتلر باقارسکز بیقلیر کیدر. دنیا لری حضورندہ تیرہ تن قدرتلر بر وارمش بر بوقش صیرہ سنہ کیرر. کووہ نہ جک، دایانہ جق برشی واردرکه اودہ آنجق اللہک مرحمتی، اللہک عنایتی در. اوامر الہیہ اقیاد ایتلی، نواہیدن صاقیملی. جماعت اسلامیه آل الہ ویرملی، چالیشملی. اوت وحدت لازمدر؛ دنیا ایچوندہ، آخرت ایچوندہ.

اسلام بوندن بیک اوچوز شوقدر سنہ اول دنیا ناک الہجر ابرکوشہ شندہ قارا کلقلر آرمسندن بر قنبدیل کی بارلادی. بک آز زمان ایچندہ او قنبدیل بویودی، بدر اولدی. دہا بویودی، کونش اولدی. نوری بوتون کائناتی قابلادی. یکرمی بش سنہ ظرقندہ یکرمی بش بیک سنہک بر تعالیٰ بہ مظهر اولدی بومظہریتک سری صحابہ کرام رضوان اللہ علیہم اجمعین حضراتنک ال برلکیلہ چالیشملری ایدی. اسلامدن اول آرم لرنده سنہ لرجه، حتی عصر لرجه سورن بر جوق قائلی محاربہ لری انتاج ایدن نہ قدر قیلہ کورولتولری، عشیرت قاولالری وارسه ہیسنی اونوتدیلر.

بیلیرسکزکه اصحاب کرام ایکی قسمدر: انصار، مهاجرین. بو اسملر جناب حق طرفندن کندیلرینہ ویریلشدر. «انصار» اساساً مدینہدہ بولونانلردر. «مهاجرین» اولجہ مکملی اولوبدہ مشرک لریک اڈا وجہاسندن طولانی علیہ الصلوٰۃ والسلام اقدیمزک آرقہ سندن مدینہ بہ ہجرت ایدنلردر. بو انصارک مهاجرلرہ قارش یایدقلری فدا کارقلرک تاریخ طامدہ هیچ بر متلی کورولمہ مشدر. انصار کرام (اوس) ایلہ

(خزرج) قیلہ سنہ منسوبدر. بوایکی قیلہ اساساً عمجہ چوجقلر بدر. لکن مرور زمان ایلہ اوسیلک - خزرجیلک مسئلہ سی بوایکی قیلہ یی بر برینہ دشمن یایدی. دکل اقوام ابتدائیہ، اک ترقی ایتیش ملتدہ بیلہ، عصیت کورولتولری اک مدہش مخاصماتہ سبیت ویرر. ایشہ بونلرک بینلرنده کی محاربہ یوز سنہدن فضلہ دوام ایتدی. حق ہجرتدن برسہ اولدہ عینی حرب تازہ لٹمشدی. بونلر شرف اسلام ایلہ مشرف اولونجہ اسلام اولنلری باریشہ بردی. قارداش اولدیلر. پیغمبر علیہ السلامہ ظہیر اولدیلر. اسلامی نشر ایچون فدای جان ایتیمہ باشلادیلر.

صحابہ کرام اقدیلر منک کیدکلری لباسلر نرم سندن اسکیردی، بیلیر میسکز؟ اوموزلرندن. چونکہ دائما جماعتلہ قیلدقلری نمازدہ صفلر مادتا صابون قالبلری کی ایدی. او آیری آیری وجودلری کبارہ بردیوار کسلیدی. آرم لرندن صوصیماز، هوا کچہ مزیدی. کوریور. سکزی، علیہ الصلوٰۃ والسلام اقدیمزک صفلری دوزہ لیمہ عطف بویوردقلری اہمیت نہدن طولانی ایتیش. ہب جماعت مسلمین آرم سندنہ کی وحدتی تأمین.

فقط مسلمانلرک بو حالی اوزمان مدینہدہ بولونان یہودی لریک هیچ خوشنہ کیتمیوردی. حتی کونک برندہ شویلہ بروقمہ اولدی: اختیار یہودینک بری باقدی کہ انصار کرامدن بر قاج کنج بر آرمده اوطور مشلر، تصورایدیلہ میہ جک بر صمیمیتلہ قونوشیورلر، مصاحبہ ایدیورلر. حریف بونی کورنچہ اسلامک آیتسندن کندی حسابنہ اورکدی. ایچی خجیقلا ندی.

— نہ اولہ جق بو؟ دیدی؛ ایش بر آز دہا بویلہ کیدرسہ بزہ ا کک لا اہ جق...

بونک اوزرینہ بردی قائلی یہودی بولدی. — کیت، شونلرہ اوس ایلہ خزرج آرم سندنہ کی وقوماتی خاطر لات، کج.

دیدی. اودہ کیتدی. ہر ایکی طرفہ ہاند شاعرلرک وقیلہ اولوب بیتن ماجرالری مصور اولق اوزرہ سویلہ مش اولدقلری شعرلری اوقودی. بونک اوزرینہ کنجک ساقہ سیلہ ہر ایکی طرفک قبادایلیق طامارلری غلیانہ کلدی. ہر بری کندی قیلہ سنک قہرمانلغی صباوب دوکہ بہ باشلادی. ایش علولندی. حتی بری:

— ایسترسہ کز او کچمش وقملری تازہ لیمہ بیلیرز. سوزنی اورتہ بہ آندی. بونک اوزرینہ اوتہ کیلری: — ہای ہای! سزدن نہ قورقومن وار؟

دیدیلر. ہیسی آیاقلاندیلر. سلاحلری آلوب مدینہ خارچندہ کی طاشلق بر وادی بہ چیقیدیلر. محاربہ باشلامق اوزرہ ایکن وقمہدن خبردار اولان علیہ الصلوٰۃ والسلام اقدیمزک ہان اورایہ قوشیدیلر. حضرت پیغمبری کورونجہ ہر ایکی طرف طوودی. علیہ الصلوٰۃ والسلام اقدیمزک یوکسکجہ بریرہ چیقہ رق:

قاله جقلری آ کلا دیلر . اوکا کوره چالشمه به باشلا دیلر . باشقه لرندن
مرحت ، عدالت دیله نمنک ، مروت ، انسانیت بکله مه نك پك بهوده
اولدیغنی بالفعل کوردیلر ؛ عصرلردن بری دالمش اولدقلری او یقودن
آرتیق سیلکینورلر . ان شاء الله بو انتباه دوام ایدم جك ، بوتون جهان
اسلامه یاییله جق ، یاقین زمانده بر کون کله جك که اسلام عصرلردن
بری غائب ایتدیکی شوکتی ، قدرتی ، عظمتی ینه استرداد ایدم جکدر .
بوتون علمیزده کی جریانلر بر آز دیکشمش ، اسکینندن بر آز دها
اییلشمش کورونیورسه ، امین اولوکزه که بوانقلاب هب وطنی مدافعه
بولنده مصروف اولان بو مجاهده لریکزه عالم اسلامک لهمزده کی
غلیانلری ، تظاهرلری سایه سنده در .

ای جماعت مسلمین ! مملکتلریکزی قورتارمق ایچون دوام
ایدن مجاهداتکزه بر نقطه به صوک درجه دقت ایتملیسکز : بو حرکتلرک ،
بو حرکتلرک صرف مدافعه دین و وطن غایه سینه متوجه اولدیغنی یارواغیار
نظرلنده تاممیه آکلاشیلمالیدر . فرقه جیلق ، منفعتجیلک ، قومیتجیلک
کی حسلردن کلیاً میرا اولدیغنه یاقینده کیلره ، اوزاقده کیلره تاممیه قناعت
کلمیدر . بوقناعتی ذره قدر صارصه جق بر حرکت ، بر سوزه کیسه
طرفدن میدان ویریله ملیدر . خصوصی امللر ، خصوصی اجتهادلر
سینه خصوصی اوله رق صاحبیرنک قفاسندم ، قلبنده قالمیدر . چونکه
غایه بر در . افراد طرفدن اومشترک غایه به قارشی کوستریله جك اوفاجق
بر انحراف صوک درجه محتاج اولدیغمز وحدتی تمکدن صارصه
کافیدر . اونک ایچون بوندن صوک درجه ده صاقینمیدر .

جماعت ایچنده هر کسک عهد سینه دوشن بر وظیفه وطنیه ، بر
فریضة دینی واردر که اونی ایفاده ذره قدر اهمال کوسترمک حار
دکدر . بو خصوصیه هیج بر فرد کنار چکیله رک سیرجی قاله ماز .
چونکه دشمن قابولرمزه قدر دایامش ، اونی قیروب ایجری کیرمک ،
حریم ناموس و شرفیزی چیکنه مک ایسته یور . بونا مرد تعرضه قارشی
قویمق قادین آرکک ، جولوق چوجق ، کنج اختیار ... هر فرد ایچون
فرض عین اولدیغنی بر لحظه خاطر دن چیقار یلماه لیدر . بو کون هر کس
وسعی صرف ایله مکلفدر . عثمانلی سلطنتی اعلا ایچون «قره سی» نك
بو قهرمان اسلام محیطنک و قتله نه بویوک فداکارلقلر کوستردیکی
هر کسک معلومیدر . روم ایلی یی باشند باشه فتح ایدن هب بو طوپراقدن
یتیشن بانا یکیتلردی . اوقهرمان اجدادک طور ونلری اولدیغکزی اثبات
ایتملیسکز . آنا طولی مدافعه خصوصنده دیکر ولایتلره اوک آباق
اولمق شرفی سز احراز ایتدیکز . سیکز مشکوردر . ان شاء الله بو
شان و شرف قیسمته قدر آرتار کیدر . ان شاء الله وطنیزک حیثیتی ،
استقلالی ، سمداتی ، رفاهی ، عمرانی دنیا لر طور دجه مصون و محفوظ
قالیر . اللهم انصر الاسلام و المسلمین . اللهم انصر من نصر الدین .
واخذل من خذل المسلمین . ربنا افرغ علينا صبراً وثبت اقدامنا وانصرنا
على القوم الکافرين . والحمد لله رب العالمین .

— ای مسلمانلر ! اللهدن قورقکز ، اللهدن قورقکز !
عقلکزی باشکزه آلیکز ، دها بن صاغ ایکن ، هنوز آره کزده
بولونیورکن جاهلیت دعوالریله می آیاقلانیورسکز ؛ بو حرکتلریکزک
عاقبتی نزمه وارده جفتی دوشونیورمیسکز ...
مألنده غایت مؤثر ، غایت بلیغ مختصر بر خطبه ایراد بویوردیلر .
بونک اوزرینه هر ایکی طرفک عقلی باشنه کلدی . یابدقلردن نادم
اوله رق آغلاشه آغلاشه صارماشوب باریشدیلر .
ایشته بووقعه یی . متعاقباً شو آیات جلیله نازل اولدی که : (یا ایها
الذین آمنو ان تطیعوا فریقاً من الذین لعلکم تهتدون)
بو آیتلرک مال کریمی شویله در :

« ای مسلمانلر ، کندیلرینه سزدن اول کتاب کوندریلنلردن بر
قسمنه اویه جق اولورسه کز سز شرف ایمان ایله مشرف اولمشکن
اونلر سزی یکیدن نعوذبالله کفره صوقارلر . یاسز هنوز آره کزده
جناب حقک آیات جلیله سی اوقونوب طورورکن ، اللهم پیغمبری
ایچکزه یاشیورکن ناصل بو صورتله کفر یولی طوتارسکز ؛ کیم
اللهک کوندردیکی رابطه به صیم صیقی صاریله جق اولورسه طوغرو
یولی بولمش اولور . ای مسلمانلر ، اللهدن ناصل قورقق ایجاب
ایدسه اویله جه قورقکز ! وانجق مسلمان اوله رق مسلمانلقدمه جان
ویریکز . صوکره ، هیکز بر دن جبل الهی به صیم صیقی صاریلکز .
صاقین آره کزه آریناق غیر یلق کیرمسینه میدان بر اقاییکز . اللهم
حقکزه کی نعمتی دوشونکز . هانی سزلر بررکزه دشمن ایدیکز ؛
جناب حق قلبلرکزی فیض اسلام ایله برلشدیردی ده اونک سایه نعمتده
قارده ش اولدیکز . هانی سزلر بر زمان آتش چوقورینک تاکنارینه
قدر کلشدیکزه جناب حق سزی اورادن قورتارمشدی . ایشته ،
بلکه طریق هدایتی بولورسکز دییه ، جناب حق آیات جلیله سنی سزه
بویله صریح اوله رق تبلیغ بویوریور . . . »

ایشته بیک اوچیوز بوقدر سینه اول نازل اولان بو آیات جلیله
حکمی قیامته قدر باقیدر . سبب نزولی اولان وقعه مع الاسف تکرر
ایدوب طورینیور . بناء علیه مسلمانلر آره لرندم آریلانی غیر یلانی موجب
اوله جق اک اوفق حادثلردن ، دارغینلنی انتاج ایدم جك اک خفیف
حرکتلردن ، سوزلردن قطعاً چکینمیدر . فرقه جیلق ، قومیتجیلک ...
بونلر آرتیق صوصلی . آل برلکیله بوکون وطنی مدافعه ایتلی .
اصلاً مأیوس اولماملی . امین اولمالی یزکه جانله باشله چالیشرسق ، آره ده کی
اسباب تفرقه یی قالدیره جق اولورسه ق وطن اسلامی قورتاریز .
ان شاء الله بوندن صوکره عالم اسلام حقنده ک ، تجلی جلال جهاله انقلاب
ایدم جکدر . اوکزه حمد اولسون بر چوق بشارتلر وار . بوکون
بوتون مسلمانلر اویاندی . کرک دنیایی ، کرک کندیلرینک دنیاده کی
موقعلری آرتیق آکلامه به باشلادی . صوکره کوزلری بوسبتون
آچیلدی . مسلمانلر کندی باشلری قورتارمه به ، کندی حق حیاتلری
احقاق ایتیه چالیشمالر سینه قیامته قدر ذلت ایچنده ، مسکنت ایچنده